

## Perquè lé pèi i végnon blan ?

Tcheut i san, é la pleu par lo crègnon, qué lé plèye su lo vezadzo é lé premé pèi blan su la tэта (la *canitie* comèn i dion lé spésialiste), son lé premé marque dé neutro cor qu'í y é én tren dé vièillì.

I son lé sellule dé la pé qu'í produïon la mélanina, qu'í baille la couleur i pèi é a la pé. Lé pèi i blantsèisson can lé sellule qu'í son ou cu dé tsaque pèi dou cor, i produïon pamé dé mélanina.

Y albén y an la pé é lé pèi blan perquè i lle manque la mélanina, a coza dé euna mutachón di jéne. Y an lé jouè rodzo perquè la coroide (euna di florette dou jouè), can y è sensa la mélanina, i reflète la clére di pitchoude vén-e dou jouè.

Lé pèi i végnon blan pé dé rézón jénétéque. Y a dé dzen qu'í végnon pi vito blan qué d'atre. I son réro lé-z-Amérindièn plumà ou voué lé pèi blan.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

www.cybersciences.com, écrit par Philippe Chartier  
Texte publié en 2008 sur « Commune de Chambave »  
Collaborateur de Chambave pour la traduction : Rita Vuillermoz  
La transcription a été soignée par le Guichet Linguistique  
Mise à jour de la graphie : octobre 2013